

## 家训语录二十条

一、勤字功夫，第一贵早起，第二贵有恒；凡将相无种，圣贤豪杰无种，只要人肯立志，都可以做得到的。

二、盖士人读书，第一要有志，第二要有识，第三要有恒。有志则不甘为下流，有识则知学问无尽，不能以一得自足，有恒则断无不成之事。

三、且苟能发奋自立，则家塾可读书，即旷野之地，热闹之场亦可读书，负薪牧豕，皆可读书，苟能发奋自立，则家塾不宜读书，即清净之乡，神仙之境皆不能读书。

四、常以『恕』字自惕，常留余地处人，则荆棘少矣。

五、知天之长而吾所历者短，则遇忧患横逆之来，当少忍以待其定；知地之大而吾所居者小，则遇荣利争夺之境，当退让以守其雌；知书籍之多而吾所见者寡，则不敢以一得自喜，而当思择善而约守之；知事变之多而吾所办者少，则不敢以功名自矜，而当思举贤而共图之。夫如是，则自私自满之

见可渐渐蠲除矣。

六、读书以训诂为本，作诗文以声调为本，事亲以得欢心为本，养生以戒恼怒为本，立身以不妄语为本，居家以不晏起为本，作官以不要钱为本，行军以不扰民为本。

七、一曰慎独则心安；二曰主敬则身强；三曰求仁则人悦；四曰习劳则神钦。

八、读经有一『耐』字诀。一句不通，不看下句，今日不通，明日再读；今年不精，明年再读，此所谓耐也。困时切莫间断，熬过此关，便可少进。再进再困，再熬再奋，自有亨通精进之日。不特写字，凡事都有极困难之时，打得通的，便是好汉。

九、凡人之情，莫不好逸而恶劳，无论贵贱智愚老少，皆贪于逸而惮于劳，古今之所同也。

十、凡一家之中，勤敬二字能守得几分，未有不兴；若全无一分，未有不败。和字能守几分，未有不兴；不和未有不败者。

十一、三乐：勤劳而且憩息，一乐也；至淡以消嫉妒之心，二乐也；读书声出金石，三乐也。

十二、八德：勤、俭、刚、明、忠、恕、谦、浑。

十三、一生之成败，皆关乎朋友之贤否，不可不慎也。

十四、以懦弱无刚四字为大耻。故男儿自立，必须有倔强之气。

十五、困心横虑，正是磨练英雄，玉汝于成。怄气从不说出，一味忍耐，徐图自强。因引谚曰：好汉打脱牙，和血吞。=

十六、谚云吃一暂长一智，在受挫受辱之时，务须明励志，蓄其气而长其智，切不可戡恭然自馁也。

十七、家败离不开个奢字，人败离不开个逸字，讨人嫌离不开个骄字。

十八、天下古今之庸人，皆以一惰字致败，天下古今之才人，皆以一傲字致败。

十九、大约军事之败，非傲即惰，二者必居其一；巨室之败，非傲即惰，二者必居其一。

三十、以耕读二字为本，乃是长久之计。

